

«Դպրոցական սնունդ» ծրագրի կառավարումը փոխանցվեց ՀՀ կառավարությանը

29.10.2018

ՀՀ Արագածոտնի մարզպետ Դավիթ Գևորգյանը Գյումրու թիվ 15 դպրոցում մասնակցեց ՄԱԿ-ի Պարենի համաշխարհային ծրագրի շրջանակներում իրականացվող «Դպրոցական սնունդ» ծրագրի կառավարումը Հայաստանի Հանրապետության կառավարությանը փոխանցելու պաշտոնական արարողությանը:

Միջոցառմանը ներկա են գտնվել ՀՀ կրթության և գիտության նախարարի պաշտոնակատար Արայիկ Հարությունյանը, Շիրակի մարզպետ Կարեն Սարուխանյանը, ՄԱԿ Պարենի համաշխարհային ծրագրի ներկայացուցիչ և հայաստանյան գրասենյակի տնօրեն Ելենա Միլոշևիչը, կրթության ոլորտի պատասխանատուներ և այլ հյուրեր:

Պաշտոնական արարողությունից հետո ներկաները շրջել են դպրոցում, ծանոթացել վերանորոգված խոհանոցի ու ճաշարանի աշխատանքին, որտեղ ճաշել են երեխաների հետ:

Արագածոտնի մարզի թվով 86 դպրոցներ օգտվում են «Դպրոցական սնունդ» ծրագրից, նախատեսվում է 2019 թվականին Արագածոտնի մարզում ծրագրի կառավարումը ևս փոխանցել ՀՀ կառավարությանը: